

五礼通考

第二函
第十册

五禮考卷第四十

明史太祖本紀吳三年八月癸丑方丘成

春明夢餘錄太祖未卽大位之先建方丘于太平門

外鍾山之陰分祀地洪武元年李善長等進方丘說

曰三代祭地之禮見于經傳者夏以五月商以六月

周人以夏至禮之于澤中方丘蓋王者事天明事

地察故冬至報天夏至報地所以順陰陽之義也祭

天于南郊之園丘祭地于北郊之方澤所以順陰陽

之位也然先王親地有社存焉禮曰享帝于郊祀社

之

立社祭地

明史太祖本紀吳三年八月癸丑方丘成

春明夢餘錄太祖未卽大位之先建方丘于太平門

外鍾山之陰分祀地洪武元年李善長等進方丘說

曰三代祭地之禮見于經傳者夏以五月商以六月

周人以夏至禮之于澤中方丘蓋王者事天明事

地察故冬至報天夏至報地所以順陰陽之義也祭

天于南郊之園丘祭地于北郊之方澤所以順陰陽

之位也然先王親地有社存焉禮曰享帝于郊祀社

于國又曰郊所以明天道社所以神地道又曰郊社所以事上帝又曰明乎郊社之禮或以社對帝或以社對郊則祭社乃所以親地也書曰敢昭告于皇天后土左氏曰戴皇天履后土則古者亦命地祇爲后土矣曰地祇曰后土曰社皆祭地也此三代之正禮而釋經之正說自鄭元惑于緯書而謂夏至于方丘之上祭崑崙之祇七月于泰折之壇祭神州之祇析一事爲二事後世宗之一歲二祭自漢武用祀官寬舒議立后土祠于汾陰脍上禮如祀天而後世又宗之于北郊之外仍祠后土元始間王莽奏罷甘泉太畤復長安南北郊以正月上辛若丁天子親合祀天地于南郊而後世又因之多合祭焉皆非禮經之正義矣由漢歷唐千餘年間親祀北郊者唯魏文帝之

太和周武帝之建德隋高祖之開皇唐元宗之開元
四祭而已宋元豐中議事祭北郊故政和中專祭者
凡四南渡以後則唯行攝祀而已元皇慶間議夏至
專祭地未及施行今當以經爲正夏日至親祀皇地
祇于方丘以五嶽五鎮四海四瀆從祀上是之

明史禮志壇壝之制明初建方丘于太平門外鍾山之
陰方丘壇二成上成廣六尺四出陛南一丈東西北八
尺皆八級下成四面各廣二丈四尺高六尺四出陛南
丈二尺東西北一丈皆八級壝去壇十五丈高六尺外
垣四面各六十四丈餘制同南郊有浴室瘞坎在內壝
外壬地

太祖本紀洪武二年五月癸卯始祀地于方丘
明會典二年始奉仁祖瀛皇帝配享

明史禮志二年夏至祀皇地祇于方丘其儀並同圜丘
唯迎神後瘞毛血祭畢奉牲帛祝饌而埋之與郊天異
神位方丘洪武二年夏至正壇第一成皇地祇南向
祭器北郊同南郊 玉帛牲牢皇地祇黃琮郊祀制
帛地祇黃配位白方丘黃犢配位各純犢配位天下山
川牛一羊豕各三祝冊祝版長一尺一分廣八尺厚二
分用楸梓木 籩豆之實以下同圜丘

明集禮神位版正位題曰皇地祇配帝題曰仁祖淳皇
帝位版並黃質金字從祀題曰五岳之神四海之神四
瀆之神五鎮之神神位版並赤質金字 配位洪武三
年五月二十日親祀北郊奉皇考仁祖淳皇帝配 從
祀以五岳五鎮四海四瀆四位從祀方丘 神席用龍
椅龍案錦坐褥配位同從祀位並設于案不設席 祝

冊洪武元年五月十四日夏至親祀方丘祝文曰維洪武三年五月二十四日親祀方丘正位祝文曰時當夏至萬物咸亨用遵彝典謹率臣僚以玉帛犧齊粢盛庶品奉茲瘞祀皇考仁祖高皇帝配神作主尙享配位祝文曰時當夏至萬物咸亨謹率臣僚恭祀皇地祇奉以玉帛犧齊粢盛庶品用修典禮伏惟敬愼瞻仰永爲配位尙享祭器設皇地祇太尊二著尊一犧尊一山罍一于壇上皆有勺有翬有玷設太尊一山罍一于壇下有玷有翬配帝同其從祀則設五岳四海著尊二犧尊二于左設五鎮四瀆著尊二犧尊二于右上帝及配帝籩豆各十有二簠簋各二登盤筐各一牲案各一爵玷各三沙池香案各一其從祀則籩豆各十簠簋各二牲案各一爵玷沙池香案各一禮神之玉方丘正位

用黃琮

帛方丘正位幣仍以黃從祀幣各從方色配

位帛用白

牲用黃犢二從祀岳鎮海瀆各用純色犢

一樂舞方丘迎神奏中和之曲奠玉幣奏肅和之曲

奉俎奏凝和之曲初獻奏壽和之曲亞獻奏豫和之曲

終獻奏禧和之曲徹豆奏雍和之曲送神奏安和之曲

望瘞奏時和之曲其盥洗升降飲福受胙俱不奏樂

祭服夏至祭地皇帝服袞冕其侍祠服亦如祀天禮

酒齊正配位太尊實泛齊醴齊著尊實盎齊犧尊實醢

齊山罍實昔酒在壇上太尊實沈齊山罍實事酒清酒

在壇下從祀著尊實醴齊盎齊犧尊實其酒 粢盛正

配位從祀並簋實以黍稷簋實以稻粱 籩豆之實方

丘正配位籩各實以鹽藁魚棗栗榛芡鹿脯黑餅白

餅糗餌粉飡豆各實以韭菹醯醢菁菹醢醢芹菹兔醢

筍菹魚醢脾折菹豚拍醢食糝食從祀籩減糗餌粉飧
豆減鮑食糝食 褥位用緋同郊天禮 車旂同祀天

禮

執事人員設皇帝大次皇太子幙次官二人埽除

壇上下官一人御史監掃除二人灑埽齋舍神廚官二

人設饌幔官二人設皇地祇仁祖高皇帝龍椅龍案從

祀神席官一人設御位皇太子位官二人設燔柴官二

人設分獻及文武官諸執事官版位官二人設儀仗官

二人設庭燎墳燭官二人設牲榜省牲位及割牲官二

人宰牲十五人掌鼎鑊視滌濯官二人協律郎一人舞

士一人樂生一人舞生一人撰祝書祝官各一人讀祝

兼捧祝官一人導駕官奏禮官六人導引皇太子官四

人分獻官執事八人引陪祭官執事四人糾儀御史四

人奉爵官六人捧幣官六人司香官六人掌祭官十二

人舉飲福案官二人進福酒官二人進俎官二人授胙
執事官一人司御洗捧匱一人進巾一人司分獻盥洗
各酌水二人進巾二人司御盥洗酌水一人進巾一人
司分獻盥洗位酌水一人進巾一人司御酒尊所官一
人司分獻酒尊所各二人進正配位饌官六人舉案齋
郎十二人舉從祀饌案四十八人 陳設設皇帝大次
于外壝之東其禮亦準祀天之儀于祀前一日有司埽
除壇上下開瘞坎設皇太子幕次于大次之右祭前一
日設省牲位于內壝之東門外設樂縣于壇下之南設
正位于壇第一層之北正中配位于壇上之東設五岳
五鎮四海四瀆位于壇第二層五岳四海在東五鎮四
瀆在西設正配位著尊于壇上設尊于壇下玉幣篚位
次之又設五岳四海酒尊于神座之次幣篚位次之設

五鎮四瀆酒尊于神座之右幣篚位次之設正配位邊
十二于神位之左豆十二于神位之右簠簋各二登一
在籩豆之間俎一在簠簋之前香燭案在俎之前爵沾
沙池在香案之前設五岳五鎮四海四瀆籩十在左豆
十在右簠簋各二登一在籩豆之間俎一在簠簋之前
香燭案在俎之前爵沾沙池在香燭案之前又設御盥
洗位于壇之東分獻官盥洗位于樂懸之東西設御褥
位于壇之南設皇太子褥位于御位之右設分獻官于
御位之南文武陪祭官于分獻官之南讀祝官于神之
右司尊司洗捧幣捧爵各于其所設望瘞位于壇東南
告天下神祇 祀前十日設天下神祇位于方丘之壇
東西向以酒脯祭之祝文曰某年某月某日皇帝將有
事于方丘咨爾百神克相祀事北郊祀畢復以籩豆簠

簋羊豕各六卽壇以祭祝文曰皇帝敬遣某官某致祭
于天下神祇 齋戒散齋七日致齋三日致齋第一日
百官朝服親受誓戒于御前如祀天禮 省牲器並同
祀天禮 飲福 方丘三獻禮畢飲福受胙儀及贊詞
並同祀天禮

齋宮 洪武二年十二月詔太常禮部議築齋宮于方
丘之側

告廟 同祀天篇

樂協律郎一人幘頭紅羅袍荔枝帶皂靴手執麾旛樂
生六十二人服緋袍展脚幘頭革帶皂靴 樂器 編
鐘十六編磬十六琴十瑟四搏拊四敔一祝四壎四篪
四簫四橫笛笙八應鼓一
舞舞士一人幘頭紅羅袍荔枝帶皂靴手執節舞生百

二十八人文舞六十四人引舞二人各執羽籥服紅袍
展脚幞頭革帶皂靴舞生六十二人服紅袍展脚幞頭
革帶皂靴手執羽籥武舞六十四人引舞二人各執
干戚服緋袍展脚幞頭革帶皂靴舞生六十二人服緋
袍展脚幞頭革帶皂靴手執干戚

方丘樂章

迎神中和之曲 坤德博厚物資以生承天時行光
大且甯穆穆皇祇功化順成來御方丘嚴恭奉迎
奠玉帛肅和之曲 地有四維大琮以方土有正色
制幣以黃敬存于中是薦是將奠之几筵臨監洋洋
奉俎凝和之曲 奉時純牡其牡童犢烹鼎既嚴登
俎維肅升壇昭薦神光下燭眷佑邦家報效唯篤
初獻壽和之曲 午爲盛陽陰德和萌天地相遇品

物光榮吉日令辰明祀攸行進以醇醴展其潔清
亞獻豫和之曲至廣無邊道全持載山岳所憑海
濱咸賴民資水土旣安且泰酌酒揭虔功德唯大
終獻熙和之曲庸眇之資有此疆宇匪臣攸能仰
承佑助恩崇父母臣歡鼓舞八音宣揚疊侑明醑
徹豆雍和之曲牲牷在俎籩豆有實臨之胙饗匪
惟飲食登歌乃徹薦獻爰畢執事奉承一其嚴慄
送神安和之曲神化無方妙用難量其功顯融其
祀悠長鸞輪云旋龍控鸞翔拜送稽首瞻禮餘光
望瘞時和之曲牲體制幣餽饌唯馨瘞之于坎以
達神靈奉神于陰典禮是程企而望之厚壤寬平
夏至親祀方丘儀注齋戒前期皇帝散齋四日致齋
二日陪祀官執事官並齋七日告天下神祇散齋第

五日于方丘壝外之東設壇置天下神祇位西向具酒脯祭告省牲先祭二日設皇帝大次于壝外東門內

道北南向省牲位于內壝東門外先祭一日導駕官導引車駕詣大次太常卿奏中嚴皇帝服皮弁服太常卿奏外辦導駕官同太常卿導引皇帝詣省牲位執事者各執事廩犧令帥其屬牽牲自東西行過御前省訖牽牲詣神廚執事者取毛血實于豆太常卿奏請詣神廚導駕官同太常卿導引至神廚太常卿奏請視鼎鑊請視滌濯遂烹牲導駕官同太常卿導引皇帝還大次陳設先祭一日陳設如圖儀鑾駕出宮前一日太常寺告示文武官員朝服乘馬導從兵馬司灑掃御道侍衛催整班行和聲備樂金吾衛備兵仗棋衛司備儀仗車輅典牧所備仗馬至日擊鼓初嚴內使監陳御輿于

謹身殿前南向拱衛司設繖扇擎執于御輿之左右設黃麾仗于丹墀中道之東西設玉輅于奉天門外正中南向和聲郎設樂于午門外金吾衛陳仗于午門外近南東西相向陳金鼓隊于雲集街橋南東西相向舍人催文武官各具朝服擊鼓二嚴侍儀版奏中嚴舍人引文武官分立於雲集街橋北文東武西擊鼓三嚴侍儀奏外辦皇帝御謹身殿御用監令跪奏服冕服興皇帝服冕服訖侍衛奏請升輿皇帝升輿侍儀同導駕官導引御輿至丹墀儀仗前導至奉天門外侍儀跪奏降輿皇帝降輿侍儀奏升輅皇帝升輅侍儀跪取旨勅文武官上馬舍人傳旨勅文武官上馬訖侍儀跪奏進發玉輅進發前金鼓隊分左右行次旗仗分左右行次百官前導分左右行次護衛次仗馬次儀仗次侍儀導駕官

次將軍次內使擎執各分左右行次內使監拱衛司光祿寺御用監官扈從于玉輅之後次鼓吹次旗幟次兵仗各後扈從駕將至兵仗周衛于大次文武官下馬侍立于御道之左右金鼓仗馬大樂儀仗分列于大次之南東西相向駕至大次前回輅侍儀跪奏降輅皇帝降輅侍儀與導駕官導引皇帝入大次侍儀跪取旨勅文武官各還齋次 正祭祭日清晨太常少卿率執事者各實尊罍籩豆登俎簋簠又實幣于篚加玉置于酒尊所祝版置于皇地祇配帝位之右樂生舞生入就位諸執事入就位太常卿奏請中嚴皇帝服袞冕太常卿奏外辦導駕官同太常卿導引皇帝自左南門入至位北向立 迎神贊禮唱迎神協律郎跪俯伏舉麾奏中和之曲贊禮唱瘞毛血郊社令瘞毛血

樂六
成

贊禮唱請行禮

太常卿奏有司謹具請行事奏鞠躬拜興拜興平身贊
禮唱皇太子以下在位官皆再拜傳贊唱鞠躬拜興拜
興平身皇太子以下皆鞠躬拜興拜興平身 奠玉帛
贊禮唱奠玉帛太常卿奏請詣盥洗位導駕官同太常
卿導引皇帝詣盥洗位太常卿贊盥曰前期齋戒今晨
奉祭加其清潔以對神明太常卿奏搢圭皇帝搢圭司
執洗者奉盥進巾太常卿奏盥手帨手出圭皇帝盥手
帨手出圭太常卿奏請升壇贊曰神明在上整肅威儀
升自午陛太常卿奏請詣皇地祇神位前司玉幣者奉
玉幣以俟協律郎跪俯伏舉麾奏肅和之曲導駕官同
太常卿導引皇帝至神位前北向立太常卿奏跪搢圭
皇帝跪搢圭司香官舉香跪進于皇帝之左太常卿奏
上香上香三上香皇帝上香上香三上香司玉幣者奉